

絳縣志卷十八

奉政大夫同知銜賞戴花翎山西絳州絳縣知縣加五級紀錄十次成都胡 延讓

循吏傳第一

漢因秦制萬戶以上爲縣令晉制大縣令有治績報以大郡不經宰縣不得入爲臺郎後魏縣置三令長能理三縣者遷郡守理三郡者遷刺史激勸之法著而循良輩出焉 國朝之初時舉行取御史之令如平湖陸隴其名滿天下自後行取之令輟縣令鮮有遷京秩者雖時下搜才之詔而真能以治行舉者卒鮮人才以激勵而顯不其然與絳自唐宋至今爲中下縣與附治郡省者不同政簡則教養易施地僻則聲稱多晦所以循良絳縣志

卷十八

循吏門

一

時邁而薦擢希聞也今次敘自金梁肅下以備循吏傳

金

梁肅字孟容奉聖進士幼勤學每夜讀必達旦母爲滅燭止之天眷二年任平遙縣主簿遷絳縣令以清廉累遷至山東西路轉運副使上嘗謂宰臣曰梁肅知無不爲正人也卒諡貞

憲
舊志

曹鐸字文仲稷山縣人與兄鈞同游場屋都人呼爲稷山二段正隆二年登進士第五人第調長安簿守絳州絳縣職旋除天德軍節度判官移宰耀州繼宰涇陽改充尙書兵部主事授同知棣州防禦使事復被命審決河北路刑獄事除中都

勦務起授大名府治中兼本路軍馬副總管尋授曹州刺史
移鎮平定未幾徙節授華州防禦使懇求致政躡進兩階授
中奉大夫加護軍武威郡開國侯增邑三百戶倉實封一百
戶俸祿仍給其半以泰和元年五月歸里是年十一月卒鐸
居官皆有實驗爲當時所稱而在棣州時河決滑衛閒故相
劉緯辟督工役按之劉緯傳河決於衛自衛抵清滄皆被其
害詔兼工部尚書往塞之緯爲幹力其所辟如鐸者洵亦賢
矣鐸葬稷山張萬公表其墓碑在平隴村

附見金史梁襄傳
詳武億授堂金石

三 跋

元

絳縣志

卷十八

循吏門

二

彭仲德東明人正元中任知縣善訊獄時稱神明

劉履謙至正中以絳判擢知縣政績昭著祀名宦

明

張居彥上虞舉人永樂十九年任訓導學行俱優被其教者皆

卓然能自立累遷至福建僉事祀名宦

劉智長城監生正統十四年任知縣性溫厚政治公平歷任九

載民走闕下乞畱晉六品階仍知縣事又九載告歸里邑人

咸思慕之祀名宦

陳能安化舉人成化七年任知縣多所設施皆有實績

蔡蓁東萊人成化七年任訓導課士不輟督修學宮尤勤事祀

名宦

張瑤華陰舉人成化二十一年任訓導敬以持己課士不怠一時成就甚眾遷國子監助教代府長史祀名宦

蘇昱武邑縣監生宏治十八年任知縣剛毅果斷不少瞻徇一時豪猾咸爲歛迹設立城市集場民咸稱便祀名宦

史章咸陽舉人正德二年任教諭勤敏課士一時士皆向學祀名宦

王一麟青神進士正德七年任知縣政平訟簡和易近人暇與諸生講解課業尤工吟咏後擢戶部主事去祀名宦

包得仁蒙陰舉人正德九年任知縣法令嚴明豪強懾服時人

絳縣志

卷十八

循吏門

三

方之孝肅後調文水去祀名宦

李光遠平山監生嘉靖十三年由縣丞擢知縣性廉慎始終不渝改建學校新縣治鐘樓民不知勞政績顯著後遷平涼府通判去日民遮畱垂涕而送者百里不絕祀名宦

毛纘長垣舉人正德十四年任教諭循循善誘

嚴天祥朝邑進士嘉靖間任知縣廉正執法民有毆傷人股以死者累檢股無傷天祥取二股察其形色迥異一訊具服遠近稱神以治行異等擢御史

苑汝清饒陽監生嘉靖間任主簿廉直不苟人有苑青天之頌王思治同州舉人萬曆三年任知縣善治盜

徐三畏任邱進士萬曆五年任知縣頗著惠政累官至固原提督

黃維翰長沙舉人萬曆初任知縣修學宮建文昌閣移演武場修舉廢墜政績顯著公餘雅好詩文所作爲一時傳誦後擢夔州府通判百姓感其德爲立祠於續魯之聖母廟傍
崔儒秀字敬初陝州進士萬曆三十三年任絳縣敏捷有膽識發奸摘伏如神吏民憚之課士勤而指授有法一時文風丕振曾申革代鄉甯安邑輸納之苦聞喜涑川驛馬例但助銀而不搗豢聞人上訟公力爭得如舊制後調翼城令累遷開原道監軍副使遼陷殉節死祀名宦

絳縣志

卷十八

循吏門

四

高雲程恩縣舉人萬曆三十八年任知縣廉慎不苟清操特著張旆里居失考萬曆閒任教諭善課士遷國子典簿

劉繩祖汝陽舉人萬曆末任知縣清勤供職後遷薊州知府牛耀台魏縣貢士天啟閒任知縣潔己愛民好學重士創設學

田以贍士之貧乏者後遷葭州知州

劉孔彰晉州人天啟閒教諭和藹善教

凌必達烏程人天啟閒縣丞重士愛民

杜橫漢陰人天啟閒訓導課士精詳

王敏邠陽貢士崇禎閒任知縣辦事諳練斷獄明決

國朝

崔珩壺關舉人順治三年任教諭六年五月大同叛鎮姜瓖寇山西南路土賊應之城破知縣逃去珩不屈投井死祀名宦徐祚煥奉天人由絳州州同於順治八年十年兩攝縣事時土寇焚燬縣城學宮僅存正殿祚煥重建兩廡及明倫堂絳學由是一新士人感之爲作學宮頌以紀其德

楊鴻謨奉天貢士順治八年任知縣清介有風力人不敢以非義干

汪自潤東流貢士順治十七年任知縣時縣遭兵燹後民困未甦賦役繁重自潤多方撫字催科不擾盜賊潛迹居官七年如一日未嘗少解士民感其德欲爲立生祠自潤堅辭之乃

絳縣志

卷十八

循吏門

五

建佛寺於東關而以自潤配之

吳昌仍桐城監生康熙十五年任知縣秉性清正慈以御下值軍興徵會百出昌仍委曲曉諭民無怨咨後遷內閣中書

陳裔振字陝棠嘉善監生康熙二十六年任知縣年少而諳吏治聽斷平允雖見責者亦皆感服學宮傾圮急爲修之一時鬻序煥然三十年縣境有蝗蝻農人恐懼裔振自責曰聞古人有異政則蝗不入境今縣有蝗有司之罪也乃爲文以祭八蜡廟而驅之頃刻風從東南起蝗悉向西北去田禾得以無恙百姓感其德立碑以紀之

盧絳黃安舉人康熙二十七年由教諭卓異擢知縣事居官清

正愛民如子縣自三十一年後災侵頻仍數年積欠未清凡治縣者新舊並征率皆嚴刑苛法民甚苦之絳洺任緩其催比寬以時日數年民力稍蘇悉行完納在任十七年修城垣建義學延師課士勸農力田政績最著嘗因旱禱雨甘霖立沛境有虎傷人絳爲文以自責而祭之虎卽遠去其異政如此士人感其德爲建坊以誌後擢鑾儀衛經歷去之日百姓攀轅號泣

李祖望恭城進士雍正元年任知縣持己廉介不徇私情一切常例錢悉爲詳革四年請廣學額以勵士修學宮以興文教在絳九年歿於任士民哀泣如喪慈父母爲繪像祀其主於

絳縣志

卷十八

循吏門

六

興國寺中

許嗣永字序皇祁縣歲貢雍正十年任訓導操行不苟博學能文尤工書法一時裁成者甚眾性至孝母歿聞訃以哀致毀旋卒於絳

黃國璽大興人由內閣供事於乾隆八年任知縣外和內剛政簡刑清聽斷明允多所平反憫鄉民失學嘗設立義學數十處以造士後調安邑去

李毓岱長壽舉人乾隆二十二年任知縣爲人剛直不喜逢迎內外關防最爲嚴密自奉儉約不異寒素時前令徐以泰設涑陽書院未竟工去毓岱到後卽延師主講每月課必親與

諸生析疑辨難嘗作勸民歌十條時西師未竣兩次軍需皆捐俸以應不以科歛累民旋以疾致仕

李繼嶠字少山綏德州人乾隆三十三年任知縣多惠政移建華靈書院於城北搜廢寺田舍入於書院以資肄業膏火縣人建祠祀之

沈銘燕山人乾隆五十三年任典史居官勤慎凡事有裨於民者多贊成之嘉慶六年銘子豐復任典史極得民心時遭饑饉豐多方賑恤縣民謂橋梓繼美爲泐石頌之曰風追二范鄭熈玉屏舉人嘉慶九年任知縣潔已愛人會年饑輸俸施粥上請賑粟下勸調貲闔縣感德建亭樹碑頌之曰真民父母

絳縣志

卷十八

循吏門

七

陸廷樞字鎮堂里居年代失考任知縣行已治人一以誠敬爲本禱雨輒應歲有蝗一祭頓絕縣民神之

李仲祁清苑進士道光二十二年任知縣勤於課士歲以千金資膏火應課者增至三百餘人縣人感德豎石振德堂右

廖堃元字子厚獨山州人有膽畧咸豐三年冬任知縣時粵匪犯山西到任卽操練丁壯爲防禦計縣人賴以無恐年餘百廢俱修作勸戒民歌各十條徵糧令各鄉自呈限約大堂設鈺簫納狀尤善課士與諸生賞析累日不輟

陳懷璋字玉章醴泉舉人同治元年任知縣平易近人凡地方利弊人民良莠諮訪周悉所設施一以公好公惡爲準典增

華靈書院田千餘畝整飭規條每鄉試輒捐廉助資斧嘗遇
雹災捐廉數百緡以賑被災者同治六年捻匪犯縣境整嚴
武備增修城上敵樓造千斤門闌晝夜巡警城賴保全蒞任
十年德政多著